



UNIVERSITÄTS-
BIBLIOTHEK
PADERBORN

Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Landsberg, Johannes Justus

Coloniae Agrippinae, 1630

Quid Virgo quæuis, vt ab Aeterna Sapientia desponsari mereatur, agere, quonam item pacto sponsi cœlestis beneficia recolere, illiq[ue] gratias debeat referre. Epist. L.

[urn:nbn:de:hbz:466:1-45857](https://nbn-resolving.org/urn:nbn:de:hbz:466:1-45857)

consilium superioris lapsum vindicare, donec saltem rædiorum petendarum tenties veniarum, humiliationum, confusionum, disciplinarum discat se mortificare, & ab eiusmodi transgressionibus se continere. Vale filia charissima, & sis memor professionis tuæ, Deumq; pro me ora.

Quid virgo quæ vis ut ab æterna sapientia desponsari mereatur, agere, quoniam nullo pacto sponsi cælestis beneficia recolare, illis, gratias debeat referre.

Epistola L.

F. IOANNES IVSTVS LANSPERGIUS, CARTHVS
Filiz suæ in Christo charissimæ N. Iesum Christum virginum sponsum, & virginitatis coronam.

EX crebris interrogationibus tuis, ex insatiabili desiderio spirituum eruditionum accipiendarum, disco feruorem spiritus tui, & gratulor profectui tuo, filia in Christo charissima. Quæris quomodo tres venias accipere, & totidem orationes dominicas æternæ sapientia (cuius discipulam te fecisti, cui etiam sponsam te dedicasti) offerre debes. Credo filia non absurdum fore, ut simul tria præcipua beneficia mediteris à Deo nobis exhibita, pro quibus adores & gratias agas.

Hoc modo pro prima venia & Pater noster.

Beneficia
tria quæ re-
colenda.

PRimo veniam accipiendo super terram, adora Deum & gratias age pro maximo beneficio hoc, quod te ipse, id est, æterna sapientia creauit, creaturam rationalem te fecit, æternæ beatitudinis suæ capacem ac participationem futuram. Deinde pro omnibus & singulis donis ac beneficijs, quæ tibi in anima & corpore contulit. Generaliter quod pro te cælum & terram creauit, & quicquid in eis continetur, Deum gratias age illi quasi vice omnium creaturarum, pro beneficijs omnibus ac donis eisdem collatis: quandoquidem complures inueniuntur, qui non agunt gratias illi, nec cognoscunt illum.

Deinde veniam pete ab eo pro omni inordinata affectione tua erga creaturas, pro vsu inordinato creaturarum & donorum eius, pro ingratitude tua quibus benefactorem clementissimum offendisti, aut gloriam & beneplacitum eius non quæstisti.

Tertio ora, ut tantam gratiam tibi largiatur, qua creaturam nullam aliter quam in ipso, ipsum verò super omnia & in omnibus diligas, ipsi soli inhabereas: creaturis verò (propter quod donatæ sunt) vtaris ad solam eius gloriam secundum laudabilissimum beneplacitum eius.

Quarto, humillimè pete, ut sua dignatione benignissima te suscipere, preparare, dignam facere & adoptare velit in sponsam suam, teq; possidere inseparabiliter & perpetuo ad gloriam & beneplacitum suum.

Pro secunda venia, & Pater noster.

Secundo, proinde, & veniam sumendo adora Deum tuum, gratias age ei (scilicet æternæ sapientia) qui salutem nostram sitiens, ut à morte nos redimeret, in hunc mundum venit, naturam nostram assumpsit, inter nos

nos conuersatus viam ad regnum cœlorum verbo docuit, & exemplo mon-
strauit, felicitatē nobis sanguinis sui effusione & morte acerbissima compa-
rauit.

Hic age gratias illi pro tot generibus pœnarum perpessus, pro quibus nū-
quam ei gratiæ acta sunt, utpote mundo adhuc incognitis, vel propter ho-
minum ingratitude. Pete veniam, quod pro tot beneficijs collatis, pro
tot pœnis tui causā tolleratis, pro tanta ad te dilectione effusa, tam ingrata
semper fuisti, parum cogitasti aut paruipendisti. Ora, ut tantam gratiam tibi
largiatur, qua passionem suam cordi tuo ad eum imprimat, ut quocunq; iueris,
quicquid egeris, nil aliud sentias, nil videas, nil cogites præter illum Dominū
Iesum Christum sponsum tuum pro te crucifixum. Ora etiam, ut vitam tuā
sua dignetur conformare, in deuotissima imitatione virtutum, in humili-
ssima patientissimaq; tolerantia aduersitatum, &c. Quarto (ut supra) humili-
ssime pte, ut sua dignatione benignissima te suscipere, præparare, dignam ef-
ficere & adaptare dignetur in sponsam suam, teq; possidere inseparabiliter &
perpetuo ad gloriam & beneplacitum suum.

Pro tertia venia, & Pater noster.

Tertio procide filia in faciem tuam, & veniam sumendo Deum adora,
gratias age pro omnibus beneficijs, quæ tibi atque vniuerso contulit,
fidelium gregi, quem regit (utpote æterna sapientia) prouidet, dirigit,
& ordinat ad æternam beatitudinem obtinendam, & id multipliciter per
scriptum, per angelos, per scripturas, per homines. Gratias age pro omnibus
beneficijs, quæ tibi & cuilibet creaturæ contulit, aut conferet vnquam. Ve-
niam pete, quod inspirationem (qua sæpè admonet te & trahere te nititur
ad se, & ad virtutes) tam sæpè reijcis, reniteris, negligis, siue per se, siue per a-
liquod aliud remedium extraneum te admoneat. Ora, ut igneo amore, ar-
dentissima charitate totum te comburat, in se trahat, absorbeat, & secum v-
niat spiritum tuum, ut aliud aliterq; neque velis, neque possis, quam quod
beneplacitum eius perfectissimum fuerit. Item postremo ut sua dignatione
benignissima te suscipere, præparare, dignam facere, & adoptare velit in
sponsam suam, teq; possidere inseparabiliter & perpetuo ad gloriam & be-
neplacitum suum.

Pro veneratione Sanctorum, charissima filia, melius non scio consu-
lendū, quam ut in honoratione ipsorum Dei honorem quæras: prædi-
ctis & laudes eum, qui condidit & fecit Sanctos. Nam ipsi pro hoc laudant
Deum die ac nocte, & à nobis Deum pro se laudari exoptant, & cupiunt
pro se gratias Deo agi pro beneficijs ab eo acceptis in tempore & æter-
nitate. Si ita feceris, & iuuas eos in gratijs agendis, Deo
gratum obsequium impendisti,

Vale.

Sanctos ho-
norandi mo-
dus optimus

Ut Virgines Deo consecrata iuxta suam vocationem Christo sponso caelesti militent, sanctitati mentis & corporis operam nauare, amoremq; suum omnem in quem maxime transfundere debeant.

Epistola LI.

F. IOANNES IVSTVS LANSPERGIVS, CARTHVS
Virginibus Deo dicatis &c.

OBSEURO VOS VT DIGNE AMBULETIS
vocatione, qua vocati estis, cum omni humilitate & mansuetudine, cum patientia supportantes inuicem in charitate solliciti seruare unitatem spiritus in vinculo pacis. *Ad Ephes. IV.*

1. Cor. 7.

Charissimæ filia, in his verbis quasi ob oculos posuit vobis Paulus totam regulam vestram, & fundamentum religionis. Si enim iuxta eundem Paulum vnusquisque habet à Deo vocationem suam, nulli dubium est vos, quæ certum genus ac singulare videri vobis elegistis, vocationem habere, in qua permaneat, in qua & ambuletis & p. officiat.

Vocatio
multiplex
vt sit.

Obseruandum est autem prudenter, quod non solum iubemini ambulare iuxta vocationem vestram, sed dignè etiam ambulare. Varias scimus esse vocationes à Deo: vniciq; sua est obseruanda. Hic sufficit duas exprimere: Vocationem ad carnale coniugium, & vocationem ad spirituale matrimonium, hoc est ad obseruantiam castitatis.

1. Cor. 7.

De duplici hac vocatione loquitur Apost. Corinth. dicens. *Mulier inuicta & virgo cogitat quæ Domini sunt vt sit sancta corpore & spiritu. Quæ aut nuptia cogitat quæ sunt mundi, quomodo placeat viro.* Auditis deuotæ virgines vocationem vestram, hanc vtiq; vt cogitetis quæ Domini sunt, & vt sitis sanctæ corpore & spiritu, vt sitis mundæ, vt sitis integræ corpore & spiritu.

Vocatio
monastica
quid exigit.
Rom. 12.

Itaq; vocatio vestra est, non solum vt communia præcepta, sine quibus etiam seculares non possunt salui fieri seruetis sed cogitetis etiam quæ sit voluntas Dei beneplacens & perfecta: Videatis, ac promptas vos exhibeatis ad omnia ea, quæ sunt Deo beneplacita, nec sufficiat vobis, nec putetis vos satisfecisse, dum à peccatis magnis abstinete, sed oportet etiam mortificetis in vobis desideria, & passionem, inclinationes malas, vt purum Domino sponso vestro cor offeratis, & voluntatem vestram totam eidem in holocaustum dicetis. Vocatio vestra est, vt sitis sanctæ corpore & spiritu.

Sanctitas
corporis &
spiritus quæ
sit.

Sanctitas corporis est, continentia & castitas corporis, quæ vocatur sanctificatio, sanctitas spiritus est, puritas cordis. De sanctitate corporis seu castitate superfluum est vobis loqui. Hanc enim Christo sponso vestro obtulistis, hanc ob eius amorem seruatis, vt angelica atque caelestis vita in corpore vestro Deo dedicetur. Si enim estis sponsæ Christi, iam ad eam perfectæ esse debetis vt per medium ignem non arsuræ & illæsa transeat: hoc est, vt inter